



**Republika e Kosovës**  
**Republika e Kosovës -Republic of Kosovo**  
**Qeveria - Vlada - Government**  
**Ministria për Forcën e Sigurisë së Kosovës**

Ministarstvo za Kosovske Bezbednosne Snage / Ministry for the Kosova Security Force

**Departamenti i Personelit/ Odsek za personal/Department for Personnel**

Në mbështetje të Nenit 145, pika 2, të Kushtetutës së Republikës së Kosovës, dhe në pajtim me Ligjin Nr. 03/L-149 për Shërbimin Civil të Republikës së Kosovës, Kreu III, Neni 11 i këtij Ligji, Neni 15 i Rregullores Nr. 02/2010 për Procedurat e Rekrutimit në Shërbimin Civil, Ministria për Forcën e Sigurisë së Kosovës shpall këtë:

**KONKURS**

<b><u>Titulli i vendit të punës:</u></b>	<b><u>Zyrtar i Strategjisë, Koncepteve dhe i Doktrinës</u></b>
<b>Kategoria funksionale dhe grada e vendit të punës:</b>	<b>Grada A-3</b>
<b>Nr. referencës së vendit të punës:</b>	<b>1213</b>
<b>Vendi:</b>	<b>MFSK</b>

**Detyrat dhe përgjegjësitë:**

- Të mbikëqyrë sipas udhëzimit bërjen e politikave dhe planeve për secilin departament në Ministri.
- Të zhvillojë sipas udhëzimit deklaratat gjithëpërfshirëse të politikave dhe të misionit të FSK-së, në përputhje me politikat e qeverisë për siguri dhe politikat tjera, si dhe të mbikëqyrë zbatimin e saj nga FSK-ja në mënyrë efektive dhe efikase.
- Të bashkërendojë sipas udhëzimit zhvillimin e planeve të rasteve të paparashikueshme të nivelit strategjik për emergjencat civile dhe reagimin ndaj krizave me Departamentin e Menaxhimit të Emergjencave të Ministrisë së Punëve të Brendshme dhe aktorëve të tjerë qeveritar.
- Të sigurojë sipas udhëzimit strukturat dhe resurset e duhura për ndërlidhjen dhe bashkëpunimin parlamentar, ndërqeveritar dhe ndërmjet agjencive brenda kushteve të punës së Departamentit.
- T'i sigurojë autoritetit të duhur udhëzimin e duhur dhe këshillën e saktë, të paanshme dhe eksperte.

**Kushtet e pjesëmarrjes në rekrutim:**

- Në shërbimin civil kanë të drejtë të punësohen shtetasit e Republikës së Kosovës të moshës madhore, të cilët kanë zotësi të plotë për të vepruar, që posedojnë të drejta civile dhe politike, kanë përgatitje të nevojshme arsimore dhe aftësi profesionale për kryerjen e detyrave ekzekutive, drejtuese ose zbatimin e funksioneve administrative dhe të cilët kanë aftësi fizike që kërkohen për pozitën përkatëse.
- Pranimi në Shërbimin Civil të Kosovës mund të kryhet deri në një (1) vit para moshës së pensionimit.

**Proceduarat e konkurrimit:**

- Shpallja e konkurrimit është e hapur për të gjithë të interesuarit për aplikim.

**Shkollimi i kërkuar:**

- Diplomë universitare.

**Aftësitë, përvoja dhe atributet tjera që kërkohen:**

- Përvojë pune në çështjet e strategjisë dhe/apo të ndërlidhura me politikat në institucione/ndërmarrje publike a private.
- Njohuri të gjuhës shqipe apo serbe dhe angleze.  
Përvojë nga agjencia emergjente civile/mbështetëse (e dëshiruar).
- Përvojë nga departamenti/sektori i strategjisë/politikave në ministri/agjenci publike(e dëshiruar).
- Përvojë e nivelit të menaxhimit në institucion privat a publik(e dëshiruar).
- Zyrtari duhet të jetë profesional, me përvojë dhe i besueshëm, si dhe i aftë që t'i kryejë në mënyrë profesionale detyrat e dhëna sipas mandatit dhe ato shtesë brenda periudhës së pranueshme kohore.
- Duhet të posedojë shkathtësi të mira organizative.
- Duhet të përdorë maturinë në punë dhe gjatë detyrës me njerëz.
- Duhet të jetë i motivuar dhe me etikë të lartë pune.
- Ai/ajo duhet të posedojë aftësi që të punojë i/e mëvetësishme si dhe të punojë në ekip me punonjës të tjerë në përmbushjen e detyrave të dhëna.
- Duhet të posedojë njohuri të thella dhe të gjera në çështjet vendore dhe ndërkombëtare të sigurisë.

**Aktet ligjore dhe nënligjore që rregullojnë rekrutimin:**

- Procesi i rekrutimit në Shërbimin Civil të Kosovës është i bazuar në Ligjin Nr.03/L-149 për Shërbimin Civil të Republikës së Kosovës, dhe Rregulloren Nr. 02/2010 për Procedurat e Rekrutimit në Shërbimin Civil.
- Bazuar në aktet ligjore të lartpërmendura kandidatët të cilët i plotësojnë kriteret e parapara do t'i nënshtrohen shqyrtimit fillestar të aplikacioneve të tyre.
- Konkurruesit më të suksesshëm do të përfshihen në listën e shkurtër dhe do të ftohen të marrin pjesë në testimin me shkrim.
- Kandidatët që kalojnë testin me shkrim do t'i nënshtrohen testit me gojë (intervistimit). Në fund të procesit përzgjedhës kandidatët e pazgjedhur kanë të drejtë ankese.

**Kohëzgjatja e emërimit:**

- Emërimi është me afat të caktuar deri në nëntë (9) muaj, ndërsa kohëzgjatja e periudhës provuese është 3 muaj.

**Data e mbylljes së konkursit:**

- Konkursi është i hapur pesëmbëdhjetë (15) ditë pas ditës së shpalljes së parë në të përditshmet kosovare.
- Data e fundit e aplikimit është 16.05.2014.
- Aplikacionet e dërguara nëpërmjet postës, me pullë postare, në ditën e fundit të shpalljes, konsiderohen të vlefshme.

**Paraqitja e kërkesave:**

- Formularët dorëzohen në Departamentin e Personelit personalisht, apo me postë në këtë adresë: **Ministria e FSK-së, Lagja Emshiri 1, 10000 Prishtinë, Departamenti i Personelit/Spektori i Rekrutimit, Kati II, zyra 216 (Ish-ndërtesa e Shtabit të Përgjithshëm të TMK-së)**, Prishtinë, në çdo ditë pune nga ora 09:00-15:00 deri në afatin e fundit për konkurrim.
- Kandidatët duhet t'ia bashkëngjitin aplikacionit kopjet e dokumenteve të nevojshme personale dhe kopjet e dokumenteve që dëshmojnë për kualifikimet e tij/saj. Dokumentet e pranuar nuk do të kthehen!

**Kërkesa specifike:**

- Kjo pozitë i nënshtrohet procesit të verifikimit dhe mund të plotësohet vetëm pas përfundimit të suksesshëm të procesit të verifikimit.

Ministria për Forcën e Sigurisë së Kosovës ofron mundësi të barabarta të punësimit për të gjithë shtetasit e Republikës së Kosovës dhe mirëpret aplikacionet nga të gjithë personat e gjinisë mashkullore dhe femërore nga të gjitha komunitetet në Kosovë. Komuniteti jo-shumicë dhe pjesëtarët e tyre kanë të drejtë përfaqësimi proporcional në organet e shërbimit civil të administratës publike qendrore dhe lokale, ashtu siç specifikohet në nenin 11. [paragrafin 3 të Ligjit nr. 03/L-149 mbi Shërbimin Civil të Republikës së Kosovës. Kërkesat e pakompletuara dhe të dërguara pas datës së fundit nuk do të pranohen. Për shkak të numrit të madh të kërkesave, vetëm kandidatët e përzgjedhur në listën e ngushtë do të kontaktohen. Formularët për aplikim janë në dispozicion në Departamentin e Personelit të M-FSK-së, apo në ueb-faqen e M-FSK-së, [www.mksf-rks.org](http://www.mksf-rks.org), [www.rks-gov.net/mfsk](http://www.rks-gov.net/mfsk), ku gjendet shpallja e konkursit. Për informata plotësuese mund të kontaktoni në: 038 200 13 508.